

PUDRAT SHARTNOMASI

Bundan buyon Buyurtmachi deb ataluvchi Amudaryo tuman obodonlashtirish boshkarmasi nomidan Nizom asosida ish yurituvchi direktori J.Narimov orqali va bundan buyon Bajaruvchi deb ataluvchi «DAVR LOYIHA FA» mas'uliyati cheklangan jamiyati nomidan ishonchnoma asosida ish yurituvchi bosh muxandisi A.Eshmuradov orqali O'zbekiston Respublikasi qonunlariga asosan quyidagi shartnomani tuzdilar:

1.Shartnoma predmeti

1.1.Buyurtmachi topshiradi. Pudratchi esa Amudaryo tumani To'lqin OFY - Oq oltin OFY-Zarbdor DFX avtomobil yo'lini joriy tamirlash ishlari uchun smeta xujjatlarini tayyorlashni o'z zimmasiga oladi.

Buyurtmachi: moliyalashtirishni o'z zimmasiga oladi.

1.2. Shartnoma loyiha-smeta ishlarini bajarish va mualliflik nazoratini olib borish bilan bog'liq ishlarga tuzilgan.

1.3. Loyixa-smeta xujjatlarini ishlab chiqarish shartnoma g'aznachilikdan ro'yxatdan o'tib va buyurtmachi tomonidan birlamchi xujjatlar taqdim etilgan kundan boshlanadi.

2.Shartnoma bahosi va to'lovlar qoidalari

2.1. Ishlarni amalga oshirish bahosi QQS bilan 23 500 000 (yigirma uch million besh yuz ming) so'mni tashkil qiladi.

2.2. Buyurtmachi shartnomani G'aznachilikdan ro'yxatdan o'tkazgan kundan boshlab o'n bank kunida shartnoma baxosining 30% miqdorida avans to'lovini amalga oshiradi.

2.3. Har bir bosqichda bajarilgan ishlar uchun joriy moliyalashtirish Buyurtmachi tomonidan tasdiqlangan dalolatnomalar asosida ajratilgan avans mablag'i miqdori belgilangan foiz doirasida ushlab qolinib amalga oshiriladi.

2.4. Buyurtmachi ishlarni topshirish-qabul qilish oraliq dalolatnomalari imzolanganidan so'ng 5 bank kuni mobaynida Bajaruvchiga haq to'lashni o'z zimmasiga oladi.

2.5. Ishlar qiymati uzil-kesil xisoblanadi va keyinchalik qayta ko'rib chiqilishi mumkin emas, quyidagi xollar bundan mustasno:

ishlar qiymatini ko'paytirishga yengib bo'lmaydigan kuch (fors-major) xolatlari sabab bo'lganda;

ishlar xajmi Buyurtmachi tomonidan o'zgartirilganda.

3.Tomonlar majburiyatlari

3.1. Bajaruvchi ishlarni dastlabki ma'lumotlar va kelishilgan grafik asosida vaqtida bajarishni, Buyurtmachi bilan bajariladigan ishlarning (bosqichlarning) natijalarini kelishishni o'z zimmasiga oladi.

3.2. Buyurtmachi ishlarni amalga oshirish uchun zarur bo'lgan birlamchi ma'lumotlar va materiallarni Bajaruvchining so'rovi asosida taqdim qiladi.

3.3. Buyurtmachi shartnomada ko'zda tutilgan shartlar va tartiblar asosida to'lovni amalga oshirish, ishlarning shartnomada ko'rsatilgan xajm va shartlarga muvofiq bajarilishida Bajaruvchiga yordam ko'rsatish, bajarilgan ishlardan shartnomada ko'zda tutilgan maqsadlarda foydalanish, Bajaruvchining roziligisiz shartnoma bo'yicha bajarilgan ishlarni uchinchi shaxsga bermaslik va undagi ma'lumotlarni tarqatmaslikni o'z zimmasiga oladi.

3.4. Buyurtmachi tomonidan dastlabki to'lov haqi o'z vaqtida o'tkazilmagan holda ishlarni tugallash muddati ham to'lov haqi kechiktirilgan vaqtga qadar uzaytiriladi.

3.5. Ushbu shartnoma bo'yicha Bajaruvchi o'z majburiyatlarini sifatsiz bajarsa, kelishilgan qo'shimcha muddatda, talab qilingan sifat darajasida o'z hisobidan qaytadan bajaradi.

3.6. Mazkur shartnomaning 2.4-bandi bajarilmagan holda Bajaruvchi buxgalteriya hisob-kitoblarini o'zaro solishtirish dalolatnomasi yoki bajarilgan ishlarni topshirish-qabul qilish dalolatnomalari asosida Buyurtmachining bankdagi barcha turdagi hisob-raqamlaridan inkasso talabnomasi qo'yish orqali pulni undirishga to'liq haqli.

4. Ishlarni topshirish va qabul qilish tartibi

4.1. Ishlar bajarilishining alohida bosqichlarida va shartnomada ko'rsatilgan ishlar to'liq bajarilgandan so'ng Bajaruvchi tomonidan rasmiylashtirib Buyurtmachiga topshirilishi kerak bo'lgan hisobot hujjatlari topshirish-qabul qilish dalolatnomasi asosida Buyurtmachiga topshiriladi.

4.2. Buyurtmachi ishlarni topshirish va qabul qilish dalolatnomasi va mazkur shartnomaning 4.1 bandida ko'rsatilgan hisobot xujjatlarini olgan kundan boshlab 5 kun mobaynida ishlarni qabul qilish va Bajaruvchiga imzolangan topshirish va qabul qilish dalolatnomasini yoki ishlarni qabul qilmaslikning asoslangan rad javobini yuborishni o'z zimmasiga oladi.

Agar Buyurtmachi ishlarni qabul qilgan kundan boshlab 10 kun muddat ichida Bajaruvchiga kamchiliklar ko'rsatilgan ishlarni qabul qilmaslik rad javobini yubormasa, ishlar qabul qilingan hisoblanadi va bunday holatda Buyurtmachi ishlarni topshirish-qabul qilish dalolatnomasini imzolab, bir nusxasini Bajaruvchiga qaytarishi shart.

4.3. Buyurtmachi ishlarni qabul qilmasligining asosli rad javobini bergan holda zarur bo'lgan qo'shimcha ishlarning ro'yxati va ularning bajarilish muddatlarini ko'rsatgan holda, ikki tomonlama dalolatnoma tuziladi.

4.4. Agar ishlarni bajarilish jarayonida uni davom ettirish maqsadga muvofiq emasligi aniqlansa, tomonlar 5 kun muddat ichida uni to'xtatish to'g'risida bir-birini xabardor qilishi va 15 kun ichida ishlarni davom ettirish maqsadga muvofiq yoki muvofiq emasligi to'g'risidagi masalani ko'rib chiqishi shart. Ishlarning to'xtatilishi tomonlar uchun Qoraqolpog'ison Respublikasi Fuqarolik kodeksida ko'zda tutilgan oqibatlar va javobgarlikka olib keladi.

4.5. Tomonlardan biri mazkur shartnomada ko'zda tutilgan ishlarni to'xtatish to'g'risida yozma xabar bergan vaqt o'zaro hisob-kitob qilish vaqti hisoblanadi.

4.6. Lozim topilgan hollarda tomonlar xolis ekspertlarga Loyiha bo'yicha xulosa uchun murojaat qilishi yoki qabul komissiyasi tashkil qilishi mumkin.

5. Konfidensial ma'lumotlarni himoyalash

5.1. Ishlar bajarilishi davrida Bajaruvchi o'zi konfidensial hisoblanadigan ma'lumotlar ishlab chiqqan yoki ularni Buyurtmachidan olgan hollarda ularni himoyalash, oshkor bo'lishini oldini olish maqsadida tegishli tadbir va choralar ko'radi.

6. Yengib bo'lmaydigan kuch (fors-major) holatlari

6.1. Agar ushbu shartnoma bo'yicha majburiyatlar qisman yoki to'liq bajarilmasligi tabiat hodisalari va boshqa yengib bo'lmaydigan kuch holatlari natijasida kelib chiqsa va agar bu holatlar mazkur shartnomaning bajarilishiga bevosita ta'sir etsa, tomonlar bunday qisman yoki to'liq bajarmaslik uchun javobgarlikdan ozod etiladilar.

Mazkur shartnoma bo'yicha majburiyatlarni bajarish muddati yengib bo'lmaydigan kuch holatlari amal qilgan, shuningdek ushbu holatlar yuzaga keltirgan vaqtga mutanosib ravishda uzaytiriladi.

6.2. Agar yengib bo'lmaydigan kuch holatlari yoki ularning oqibatlari bir oydan ko'p vaqtga cho'zilsa, u holda Buyurtmachi va Bajaruvchi ishlarni davom ettirish yoki ularni to'xtatish uchun qanday choralar ko'rilishini muhokama qiladilar.

6.3. Agar tomonlar ikki oy ichida kelisha olmasalar, u holda tomonlarning har biri shartnoma bekor qilinishini talab qilishga haqlidir.

7. Qo'shimcha shartlar

7.1. Bajaruvchi loyihani muddatidan oldin bajargan holda, Buyurtmachi uni mazkur shartnomaning 4-moddasiga asosan qabul qiladi va to'la to'lovni amalga oshiradi.

7.2. O'zaro muloqat yo'li bilan hal qilinmagan muammolar qonun hujjatlarida o'rnatilgan tartibda hal qilinadi.

7.3. Loyiha-smeta hujjatlariga davlat ekspertiza xulosasi olinib, ushbu davlat ekspertiza xulosasiga asosan shartnoma baxosi qo'shimcha kelishuv asosida o'zgartirilgandan so'ng Bajaruvchi loyiha-smeta xujjatlarini ishlarni topshirish va qabul qilish dalolatnomasi orqali Buyurtmachiga topshiradi.

7.4. Bajaruvchi mazkur shartnomada ko'rsatilgan ishlarni bajarish vaqtida o'z imkoniyatlaridan kelib chiqib, Buyurtmachini xabardor qilmagan holda uchinchi shaxslarni, jumladan yuridik va jismoniy shaxslarni mustaqil ravishda jalb qilish huquqiga ega.

- 7.5. Mazkur shartnoma bo'yicha nizo kelib chiqqan xollarda, tomonlar kelishuvga erishmagan taqdirda, qonunlarda belgilangan tartibda va Nukus tumanlararo iqtisodiy sudida xal qilinadi.
- 7.6. Buyurtmachi tomonidan dastlabki to'lov va ishlarni topshirganda shartlashilgan to'lov kechiktirilgan xar bir kun uchun 0,1 foizi miqdorida penya to'laydi, bunda penyaning umumiy summasi shartnoma narxining 20 foizidan oshmasligi lozim. Agar moliyalashtirish manbai tomonidan kechiktirilgan taqdirda buyurtmachi javob bermaydi.
- 7.7. Bajaruvchi tomonidan bajarilgan ishlar yoki ko'rsatilgan xizmatlar muddati kechiktirilganda Buyurtmachiga muddati o'tkazib yuborilgan xar bir kun uchun bajarilmagan ishlar qiymatining 0,1 foizi miqdorida penya to'laydi, biroq bunda penyaning umumiy summasi bajarilmagan ishlar qiymatining 20 foizidan oshmasligi lozim.
- 7.8. Agar Buyurtmachining mazkur shartnoma tuzilgan kun holatiga avvalgi shartnomalar bo'yicha Bajaruvchi oldida qarzdorligi bo'lsa, Bajaruvchi ushbu shartnomaga asosan to'langan pul mablag'laridan eng avvalo qarzdorlikni ushlab qolishga va qarzdorlik yopilgandan keyin qolgan mablag'larni ushbu shartnoma bo'yicha hisobga olishga haqli.
- 7.9. To'langan penya yoki jarimalar tomonlarni ushbu shartnoma bo'yicha o'z majburiyatlarini bajarishdan ozod qilmaydi.
- 7.10. Shartnomaning amal qilish muddati 2022 yil 31 dekabrgacha
- 7.11. Ushbu shartnoma o'zbek tilida ikki nusxada tuzildi va bir xil yuridik kuchga ega.

8. Korrupsiyaga qarshi shartlashuv

8.1. Ushbu shartnomaning har bir tomoni o'ziga qo'llangan barcha, shu jumladan O'zbekiston Respublikasi amaldagi qonunchilik va normativ hujjatlaridagi korrupsiyaga qarshi bo'lgan tegishli shartlar va talablarini tushunish haqida bir-birini ishontradi va ularga amal qilishni kafolatalaydi. Xaridor ushbu shartnomada amalda bo'lgan butun davr moboynda u (shuningdek uning mansabdor shaxslari, direktor, xodimlari, agentlari va boshqa vakillari) sotuvchi korxonaning manfaatlarida uning agenti yoki vakili sifatida harakat qilib, sotuvchi korxonaning hamda O'zbekiston Respublikasi amaldagi qonunchilik va normativ hujjatlarning korrupsiyaga qarshi tegishli shartlari va talablariga qat'iy rioya etish majburiyatini oladi.

9. Tomonlarning bank rekvizitlari va yuridik manzilari.

Buyurtmachi:

Amudaryo tumani Obodonlashtirish boshqarmasi
Bank: Markaziy bank Toshkent shahri
H/R: 401722860352047065200110007

MFO 00014

INN 204622562

Rahbar: J.Narimov


M.U. (imzo)

Pudratchi:

"DAVR LOYIHA FA" MCHJ
Bank: ATB "Agro bank" Amudaryo tumani
H/R: 20208000300620394001

Rahbar:

MFO: 00619
INN: 308274792
"DAVR LOYIHA FA"
A.Eshmuradov
M.U. (imzo)

	<p>Hujjat elektron raqamli imzo orqali imzolangan. Elektron raqamli imzoning haqiqiyligini tekshirish uchun QR Code ni skanerlang.</p>	
	Imzolovchi F.I.SH.	JASUR NARIMOV MASHARIBOVICH
	Imzolangan sana	01.11.2022 16:18
	Hujjat kodi	WB2427472235
	Hulosa kodi	SR8451278601

YURIDIK AHAMIYATGA EGA HUJJATLARNING QONUN HUJJATLARIGA MUVOFIQLIGI TO‘G‘RISIDA HUQUQIY XULOSA

WB2427472235

SR8451278601

1. Loyihaning turi : Shartnoma
2. Loyihaning nomi: **Pudrat shartnomasi (To'lqinOFY)**
3. Loyiha ishlab chiquvchisi va kiritilgan sana haqidagi ma'lumot: Amudaryo tumani Obodonlashtirish boshqarmasi tomonidan 01.11.2022 yilda kiritilgan.

Loyiha amaldagi qonun hujjatlariga muvofiq ishlab chiqilgan va uni qabul qilish maqsadga muvofiq.

**Amudaryo tumani
Yuridik xizmat
ko'rsatish markazi
markaz rahbari:**



N.Z.JUMANIYAZOVA

01.11.2022